


Bie du aber finden sollt nach ordnung / die leng eynrer yeilichen geraden Linien die da auff den Smecken gesetz würde / dem thu also/ setz ein zirkel mit dem eyn fuß in den puncten. 12. Und den Andern in den puncten. i. vnd reiß von dann rund obersich / Darnach setz des zirkels fuß in den Puncten. i. vñ den andern in den Puncten. 12. von dann reiß anch rund obersich wo sich dann die zwēn runden risz durch einander schneiden/ da setz eyn Puncten. c. Also thu zwēn allen Puncten der ziffern der Schneckenlini / als zwēnchen. j. 2. vnd .2. 3. x. vnd bezeichnen oben die schlüß der runden Risz nach eynander/ Als. d. e. f. g. x. durchs gans. a. b. c. so weyle es reicht So du dann mit geraden Linien zusammen zeichst. c. d. vnd. d. e. vnd. f. g. x. also durch den ganzen umblauß aller buchstaben / so schneyden sie dir ab die gestrakten Linien die da gezogen sind aus den Puncten. 1/2/3/4/x. also durch die andern zall all/ So du aber die bletter/ die durch die runz den Risz worden sind / füglich mit eym mistel Risz teylen willt/ so reiß erßlich aus dem Puncten. c. darnoch aus den Puncten. d. e. f. g. x. gerad Linien gegen dem Centro. a. bisz auff die Schnecken lini/ Also kommen dise ding ordenlich / das sichestu hieunden auffgerissen.

Wie lang nach ordnung die geraden Linien auff der Schnecken Lini sein sollen.



Orthin will ich die Schneckenlini einfach machen/ vñ vom Cirecleris in Centrum a. führen/ auch wider bletter darauff sezen Aber die geraden Linien/ die durch die bletter gezogen werden/ stendt anderst/ dann die vorgetesten Linien/ Erßlich reiß aus dem zentrum. a. eyn zirkelris/ vñ punctier in mit ziffern wie vor/ Aber die außrechte Lini/a. b. damit du umher ferst/ die zerteyl mit. 12. puncten in. 12. gleiche felde/ Und far dann wider mit herumb wie du vor beriche bist/ vñnd punctier die Schneckenlini/ bis in Centro. a. Also ist dise Lini gemacht vñd zu vill dingen breuchlich/ sonderlich ist sie auch zu einem Bischoffstab zu brauchen/ zu dem mus man jm also thun/ Zeich vñ dem zirkelris/ auf dem puncten. 6. eyn gerade lini vñdersich/ vñ brauch den halben zirkelris/ mit der grossern zall/ zu samte der Schneckenlini/ Aber den andern halben zirkel/ mit der mindern zall/ lasz aussen/ darnach setz eyn

zirkel mit dem eynen fuß auff der zirkellini in den puncten. 9. vnd mit dem andern in den puncten. 7. vnd reiß von dann rund heraus/ eyn zirkelerum/ darnach setz den eyn fuß in den puncten. 7 und reiß mit dem andern aus dem puncten. 9. heraus / vñnd wo sich die zwēn krumen linien oben schliessen/ da setz eyn puncten. c. vnd reiß von der zirkellini/ aus dem puncten. 8. eyn gerade lini in den puncten. c. Also thu im auch zwēnchen den zwēnchen puncten. 9. vñ. 11. vñ setz oben in der runden schließung eyn. d. Darnach setz de zirkel/ mit dem ein fuß im zirkelris in den puncten. 11. vñ mit dem andern/ auff die schneckenlini in den puncten. j. vnd reiß von dann obersich hinauf/ Darnach setz wider den eyn fuß in den vorgemeltem puncten. j. vnd den andern in den puncten. 11. vnd reiß von dann hinaus/ wo dan die krumenlinien schliessen da setz eyn. e. Also thu im darnach zu gleicherweis auff der schneckenlini/ zwēnchen den puncten. j. 2. vnd. 3. vñ. 5. 7. vñ. 9. 11. vnd bezeichnen oben ir schlüs/ nach eynander. f. g. h. i. k. Darnach reiß den blettern/ in der schneckenlini gerad ris. e 12. f. 2. g. 4. h. 6. i. 8. k. 10. Darnach bleyt noch über eyn trum zwēnchen. j. vnd dem Centro. a. das zeich auch mit dem zirkel zusammen/ vnd der schlüs sen oben. l. Solchs wie oben beschriben/ hab ich also nachfolget zwēlting auff gerissen/ Erßlich mit allen nötigen risen/ daraus dise ding gemache sind/ darnach ledig/ Diese verzeichnus ist zu vil dingen nützlich/ Auch ist diese schneckenlini/ ledig zu eynem laubbossen zu brauchen/ wie ich das auch hie nach hab auffgerissen.

Diese lini diene zu eynem Bischoffstab.

